



Ulloq: 12. oktber 2007

Inatsisartut Suleriaasianni § 36, imm. 1 naapertorlugu Naalackersuisunut apeqqutit uku imaattut matumuuna saqqummiutissavakka:

Naalackersuisunut apeqqut:

KNI-p Københavnimi kalaalimineerniarfia sooq matuneqarniarpa?

Ilisimaneqarpa sooq KNI-p Københavnimi pisiniarfia ukiup naanerani matuniarneqarnersoq?

Aamma apeqqutigissavara Naalackersuisut piumassuseqarnersut KNI-p pisiniarfia matuneqassappat allanilluunniit piginnittoqarluni ingerlaqqinnissaanut aqqutissiueqataarusunnersut?

(Inatsisartuni ilaasortaq Kuupik Kleist, Inuit Ataqatigiit)

Tungavilersuut:

Naluneqanngilaq KNI-p Danmarkimi kalaaliminernik allanillu nunatsinnut tunngasunik pisiniarfiusinnaasumik ukiut marluk matuma siorna niuertarfeqalernera inuppassuarnit Danmarkimi najugalinnit kalaallinit allanillu nuannaarutaaqisoq.

Ukiuni arlalissuarni kalaaliminernik Danmarkimut eqqussiniartarneq ajornartorsiutaareersoq ajornannginnerulaartumik nerisassanik maqaasisanik pisisinnaaleraluarneq, taamaalilluni tassanngaannaq kipitinneqaqqittussanngorpoq pakatsissutaaqisumik.

Tusatsiagaannaagaluarnersoq tusaamanarpoq Island-ip Savalimmiullu aallartitaqarfiisa KNI-p pisiniarfia aamma namminneq nunaminni nerisassanik nioqqutissiaatiminnik niueruteqalissasoq kissaatigisimagaat, aammalu neriniartarfiit pilersorneqartut matusiniarneq pakatsissutigeqigaat.

Neriuppunga apeqqutikka piaartumik akineqarsinnaassasut.